



# Arubaanse Courant

ANJA 25

DIARAZON 19 FEBRUARI 1964

No. 4968.

## Apuntes Editorial OBJETIVO

En relacion cu locual nos a scirbi algun dia pasa den nos edicion di dia diezcuater ultimo bao di e titulo "Milo Croes ta abusa di poder contra di Arubaanse Courant", en relacion cu e error cu e presidente di CCC a haci ora cu el a duna Amigoe inhumadamente premio pa e mihor cooperacion (reportahe) di Carnaval, un miembro di Redacion di Amigoe na Corsow a scirbi lo siguiente;

Arubaanse Courant cual ta asina grandi, cunormalmente cada edicion ta yena cu casi un objeto so, awor a escohe e comite di Carnaval y Amigoe di Aruba como punto di atake. No ta un custumber di nos banda pa reacciona ariba tur loke ta imprimi, pero ora cu esaki ta un publicacion interesante, nos no kier desepcion. Como cu nos ta tuma nota mas di calidad cu di cantidad, nos kier ta corto. Nos no ta sinti nos mes ofendi. Pues no ta porta nos loke otro ta papia di nos, basta cunan ta papia di nos. Un comerciante lo por compronde e idioma aki. Cu nos no tin rencor, nos lo preuba. Na su debito tempo nos lo manda e scribent di Arubaanse Courant un buelta postcard for di Puerto Rico. Esey nos ta priminti.

Cu e publicacion sin inspiracion aki pues e hefe redactor di Amigoe di Curacao a lamta pa yuda su correspondente na Aruba. Wel asina ta e contesta di e hefe redactor di Amigoe di Curacao, de vez en cuando tambe Amigoe di Aruba y tambe "Cameleon di Curacao" (na Corsow e ta berde y na Aruba oranje). "Un publicacion masha slap", manera cu esaki ta worde yama den periodismo. E escritor ta constata cu su dia lo a worde esochi como "punto di atake" door di Arubaanse Courant, pero e no ta contradeci ningun di nos remarcacion ariba dje. E ta scirbi mescos cu un hende cu kier conta un chiste sin smaak. Y segun su opinion comerciantenan mester por compronde e lenguaje aki. Pa colmo el a scirbi un frase den cual e ta bisa cu e característica di Amigoe ta calidad y no cantidad, esta un blaachi y mei dedica na reunion di Eilandsraad di Corsow cu a tura ualicamente un mañta.

Tur esaki calidad!!!

En todo caso tabata un gran placer pa nos, cu loke nos a scirbi Diaberna ultimo no por a worde contradici ni door di senyor Milo Croes y tampoco door di Amigoe di Curacao (Aruba). Esun ta purba salba su curpa door di bira e asunto ariba un otro banda door di scirbi 27 frase di un calidad masha slap. Pero ningun di nan dos a logra di mostra cu loke a worde bisa door di nos Diaberna bao

## GOLPE DI ESTADO NA GABON PRESIDENT TA PRESU DEN SU PALACIO

PARIS, 19 Febr. - Segun a worde informa di diferente portavoz africano na Paris, tabatin un golpe di estado ayera marduga na Libreville, capital di e republica Africar Gabon.

Unidadnan di ehercito a ocupa e principal edificacion den e ciudad, entre cual e edificio di correo y e emisora di radio.

E edificio, den cual gobierno ta, y unda president Leon Mba y e president di asamble nacional, Louis Bigman tabata, a worde rondona pa e revolucionario. Ayera mainta tabata tranqui na Libreville, asina e fuentenan menciona a informa.

Despues a worde informa di parti africano na Paris, cu e gobierno di president Mba a retira ayera mainta.

Di parti di e embajada di Gabon na Paris a worde participa, cu president Mba ta worde tene

presu den su palacio na Libreville, segun noticianan no confirma trupanen di paracaidista a worde lansa riba e ciudad pa trata liberta e president ademas ta worde participa den e comunicado, cu tur presuna politico lo worde liberta inmediatamente y cu libertadnan publico lo worde recupera. Ademas formacion di un gobierno revolucionario dentro di 24 ora a worde anuncia.

Segun noticianan ricibi na Kameroun e aeropuerto di Libre-

ville tabata sera mainta.

Diadomingo awor nan tabata pa tene eleccionnan na Gabon. E principal adversarionan di president Mba ta Jean Hilaire Aubame, kende a ocupa diferente puesto den gobierno, pero despues a bai den oposicion. Aubame diferente biaha e declara cu e lo bira e proximo president di Gabon.

## Vijfkamp Club Surnam - JPF

SAN NICOLAS, 19 Feb. - E siguiente vijfkamp entre Vereniging Suriname y JPF lo ta riba dia 16, 17 y 18 di mei venidero. E miembronan di Club Surnam ya ta entrenando pa e Vijfkamp.

## Reunion anual di I.C.A.

ORANJESTAD, 19 Feb. - Dial di April Indische Club Aruba lo tene su reunion anual general pa miembronan. E reunion aki lo tuma lugar na cunucu abao.



SABOR CU NUNCA TA  
VARIA  
IT NEVER VARIES.

## Experto Gerkema na Aruba

Oranjestad, 18 Febr. - Ayera a yega Aruba Drs. S. Gerkema, director di Gezinsbegroting instituut na Hulanda. El a bin Antillas en coneccion cu yuianza tecnico di Hulanda pa conseha Gobierno Antillano en coneccion cu publicacion tocante di spaarmento y trahamento di budget di famia. Awe senyor Gerkema lo tin deliberacion tocante di e objeto aki cu BC y e personal di huishoudschool na Aruba.

## Club Surnam a invita gobernador N. Debrot

SAN NICOLAS, 19 Feb. - E directiva di Vereniging Suriname a invita gobernador N. Debrot por escrito pa otro biaha cu e bishita Aruba, haci un bishita na Club Surnam y pasa un anochi serca e Surinameonan. Dia 29 di Januari gobernador a contesta: "Cugusto lo mi acepta e invitacion y na mi siguiente estadia na Aruba lo mi haci un bishita na boso Club".

## FATUM - Tel: 1845 pa tur bo aseguranan

di e titulo "Milo Croes ta abusa di poder contra di Arubaanse Courant", no ta berdad y inhumifica.

Alavez ta un placer pa nos pa ricibi un postcard di Amigoe di Corsow for di Puerto Rico.

## E venidero encuentro entre Clay y Liston

MIAMI BEACH, 18 febr. - E consejo di boxeo a dicidi cu e campeon mundial Sonny Liston y Cassius Clay lo mester presenta nuntu pa pisa oficialmente. E desicion aki a worde tuma en coneccion cu e peticion di manager di Liston, Jack Nilon, pa laga e boxdonan pisa apart, pasobra e tin miedu cu Liston lo no por domina su rabia mas y lo ataca Clay.

Angelo Dundee, trainer di Clay, a declara cu e sa mihor: "Si Liston tin asina tantu miedu di Clay, lo mi percura pa Cassius comporte decente. Sonny por bini tranqui. Asina e entrenador di Clay a bisa.

Manera ta custumber na pelea-



nan pa titulo e encuentro lo no worde suspende si un boxdo bai lona tres biaha den un rond.

Den e reciente mutacionan di KLM e dos figuranan di mas importante pa Aruba ta e hefe nobo di stacion, alavez sales manager, sr. S.G. Newton y senyor B. Th. Maes, kende durante un anja tabata hefe interino di stacion na Aeropuerto Prinses Beatrix y cu awor despues di binti anja di servicio na e compania di KLM ta retira. Hopi amigonan di KLM invano a busca e cara di senyor Maes durante di e recepcion cual e compania ultimamente a tene den Restaurant Trocadero y caminda senyor Newton a worde introduci. Senyor Newton tin hopi experencia serca KLM. Entre otro e tabata antes hefe di stacion di KLM na Maracaibo y despues hefe di pasashi y hefe interino di stacion na Hato. Durante di e recepcion ya menciona senyor R. Paul, e representante nobo di distrito di KLM a worde presenta, mientras cu despedida a worde tuma di senyor Pahud de Mortanges. Ariba portret, sintá, sr. Newton, den su puesto nobo, pará sr. Maes, retirando di K.L.M.

NO CAUSA EROSION PESEI .....

NO COHE PIEDRA Y SANTO SIN AUTORIZACION.

# GENERAL DI N.U. TA LOGRA ARMISTICIO NA CYPRUS

NICOSIA, 19 Febr. - E observador di Nacionnan Uni na Cyprus, teniente general Prem Gyani, a obtene un armisticio entre shete cien Chypriota turco, cu tabata den un edificio di school na Polis na noreste di Cyprus cu tabata rondona di Chypriotanan griego armá, cu a coba drenta den buraconan rond dje school.

E general a participa esaki na su regreso na Nicosia, despues di a sali mas den dia cu heli copter pa Polis.

Di caminda pe luga aki el a pikt na Ktima, e centro mas importante di gobernacion di este di Cyprus. Idéna Griego y Turco di distritonan Chypriota. E situacion na Polis te ainda te tenso. Paracaidistanan Britanico ta di caminda pe luga aki. Entre ta fu, nan a manda awe a trobe reto zanan Britanico nobo. Nan a sali dje base aerea Lyneham na sur di Inglatera. Ta pertenes akina tambe personal administrativo y unidad di pariser. Tin na Cyprus nesecidad di trupanan mobiel. Segun noticianan di prensa fol e ciudad Turco di haf Iskanderun jetnan Turco ta patrulla constantemente riba bahia di Iskanderun y e awanan territorial cerca di Cyprus. Unidanan di marina Turco den e haf aki, cu ta na mas o menos cien milla di Cyprus, ta den estado di paraatheid. Tur camindanan pe haf ta bow di control militar y autonon ta ser lista. E unico bapor no militar den haf te bapor Turco dt carga Gireson, cu ta actualmente trpu'la pa marineronan y matroosnan Turco.

Grecia a avisa tur su paisnan bisña, cu su forsan arma a haya orden, pa 'ira riba cualkier avion estranhero cu penetra den su espacio aerea, asina

a worde participa ayera noch di fuente astorisa na Athena. Segun e Griegonan ultimo fin di siman espacio aerea di Grecia a worde viola diferente biaha pa avionan estranhero no identifica.

E premier di Inglatera, Sir Alec Douglas Home, a declara ayera noch den un entrevista na BBC, cu e no tin plannan pa un reparticion di Chipre. Reparticion di Chipre ta e solucion di mas peor, cu por pensa. Tur cos mester worde haci pa yega na un solucion di e kestion Chipre den cuadro di e actual constitucion riba e isla, asina el a bisa.

E minister Ingles pa asuntunan di mancomunidad, Duncan Sandys, a declara ayera den camara de Los Comunes Ingles, cu gobierno di Makarios ta admiti importacion di arma riba e isla. El a participa, cu el a proteste diadomingo energicamente contra esaki na e minister Griego di exterior. Un portavoz di gobierno Griego a bisa en conexion cu e declaracion di minister Sandys den Camara De Los Comunes, cu ta completamente legal, cu Chipre ta haya armanan pa seguridad di e pais, ya cu su inviolabilidad territorial ta worde amensaa.

E delegacion Turco cerca nacionnan Uni a acusa e arzobispu Makarios y e Chypriotanan Griego, di ta 'rese desunion, desconfianza y odio entre e grupo-

nan Griego y Turco dje poblacion door di propagan unificacion cu Grecia. Den un memorandum como contesta riba un declaracion dje gobierno Chypriota den cual Turquia ta ser acusa di ta ianta terroristanan Turco Chypriota pa comete violencia, e delegacion Turco ta bisa cu e Chypriotanan Griego, a comete crueldadnan barbaro, segun un plan calcula padilanti pa caba qu e Chypriotanan Turco. Turquia no tin ambicionnan territorial riba Cyprus y jamas a trata di ianta un enemistad entre e dos gruponan di poblacion, segun e memorandum. Secretario general Oe Thant di Nacionnan Uni a entrega e miembronan di e consejo di seguridad a'gun idea, cu lo por mengua e tension riba Chipre. No tin mas particularidad di e plan. Entre tantu tabatin deliberacionnan intensa di delegadonan di Nacionnan Uni cu representantenan di Chipre, Turquia y Chipre pa prepara e debat cu lo tin awe den e consejo.

E debat mester a tuma lugar ayera, pero a worde suspende pa duna esnan interesa oportunidad poco tempu mas pa consulta.

Segun fuente fidedigno un punto importante pa e consulta tabata un sugestion di Oe Thant pa un manera riba cual lo por afilia un potencia internacional na Nacionnan Uni. Inglatera y Merca te awor aki taata contra pa pone e trupanan ey bou di comando di consejo di seguridad, mientras cu e president di Chipre, Makarios, no kier tende nada di un trupa cu ta worde forma pa unidanan di trupanan di NAVO.

## Amstel ta habri cerveceria na Puerto Rico

ORANJESTAD, 19 Febr. - Ayera mainta a sali cu avion di Trans Caribbean Airways pa Puerto Rico sr. J.A.J. Sprock y Drs. H.J. Sprock, sr. Tibor Haggemacher hefe-brouwmeester di e cerveceria Amstel na Corsow pa anpresencia Inauguracion di un cerveceria di Amstel cu lo tuma lugar dia 21 Februari venidero.

Segun nos a worde informa ta trata di un cerveceria cuater bez mas grandi cu esun di Antillas y cu tin un capacidad di produccion di diez dos millon liter pa anja. E cerveceria aki ta situa den vecindario di aeropuerto na isla verde (San Juan). Actualmente Amstel tin cerveceria na Beirut, Aman, Athena, Surnam, Corsow, Puerto Rico y naturalmente na Hulanda, na unda nan ta trahando di dos cerveceria na Helmond.

Na aeropuerto Prinses Beatrix, Drs. H.J. Sprock director di cerveceria na Corsow a informa nos cu e plan pa traha un cerveceria na Aruba ta den un stadium avanza. Tin gran posibilidad cu e anja aki mes e desicionan definitivo lo tuma lugar.

*E mucha homber me-  
ricano aki cuesta lo-  
be cuesta kier a duna  
President Johnson di  
E.U. un man. Esaki  
el a logra tambe pero  
sin embargo e com-  
panjero di e presi-  
dent a hisa su man  
pa protege e presi-  
dent.*

## TA BUSCA PA CUMBRA UN CAS CHIKITO

den becindario di San Nicolas of den San Nicolas mes.

Sea asina bon di manda number, direccion y prijs di e cas na Arubaanse Courant bao number - - X-222' - .

Proposicion di cas sin prijs no ta worde acepta y nos lo no contesta ariba nan.

## TE KOOP

en terstond te aanvaarden

het woonhuis Kamerlingh Onnestraat No. 25 gelegen op de hoek van de Edisonstraat te Oranjestad o.a. bevattende drie slaapkamers, meidenkamer en garage.

Voor soliede gegadigde ruime hypotheek beschikbaar.

Te bevragen Kantoor Notaris W.F.M. Lampe.

Cumpra bo tairanan

**Continental**

awor y laga nos  
monta nan

GRATIS pa bo.

Tur tamanjo na existencia.

**E. & G. MARTIJN  
(ARUBA) N.V.**

Havenstraat 10-12  
tel. 1492 - 1493

## Anja cu a pasa util pa muziekschool

Oranjestad, 18 febr. - Arubaanse Muziekschool segun e resultado di anja ultimamente publica por mira atras ariba un anja 1963 masha util. Segun ta worde anuncia anja pasa ochenta y cinco alumno a worde examina cu bon resultado. Na cuminsamento di e anja aki e cantidad di alumnonan tabata 385, mientras cu e cantidad di lesnan cu ta worde duna pa luna na eschool ta 425. Tambe na 1963 e school a duna diferente beca y yulanza na estudio.

E resultado ta informa tambe di plannan di Arubaanse Muziekschool pa hanja un propio edificio pa e school. Como cu ainda e asunto ta den un cuminsamento nan no kier duna mucho detalla mas.

Pa resolve dificultadnan Centro Cultural a worde construi di tal forma, cu cierto localidatnan a bira liber pa por huur nan cu muziekschool.

Na cuminsamento di e anja e cuerpo di maestronan tabata consisti di director A.J. Seyler, maestronan G.M. Seyler-Rijkeboer, senjora Rhoda Steenhuiszen-Frigerio, senjorita Stella Weller y senjornan A. Dercksen, J.W. Klein, J.L. de Miranda, D.J. Rebel y J. Snijders. E directiva di e stichting ta con-

*E ultimo creacion den*

## LINGERIE



- \* sombra mitar y completo
- \* panties
- \* brassiere
- \* corset
- \* Baby-dolls
- \* Pyama, japon etc.

bo ta hanja di mehor  
calidad, den tur prijs  
y tur tamanjo na

**LA LINDA**

## STOP ASTHMA SLEEP LIKE A BABY

If you cough, wheeze, can't breathe or sleep well due to Asthma, Catarrh or Bronchitis attacks, get MENDACO from your chemist or store today. MENDACO works through the blood and bronchial tubes to dissolve and remove offending phlegm congestion. Then your cough is curbed, you can breathe freely, sleep like a baby, and regain natural energy. Satisfaction or money back is guaranteed.

sisti di presidente E.O. Petronia, vice presidente D.J. De Wit, secretario L.G. van Doren tesoroero F.J. Tromp, segundo tesoroero R. Lopez Henriquez y como miembronan e damanan Lucy Henriquez, Cristina de Freitas, A.B. Dreischor, dokter Hubert Dennert y senjornan A.A. Th. van Herwaarden, R.W. Marquez y P.L. de Moulin.

# REUNION GENERAL DI IOWUA DIADOMINGO

SAVANETA, 19 Februari - Diadomingo venidero pa parti di maina Independent Oil Workers Union of Aruba, IOWUA, lo tene un reunion general den Commandeursbaal Club na Savaneta. E reunion aki lo ta pa trata casonan interno y duna miembronan informacion amplio di e situacion actual.

Ajera mainta representantenan di e Union di trahadornan di Lago tabatin un encuentro cu ministro C. Kroon di asuntunan social. E encuentro aki cu pa banda di IOWUA tabata encabeza door di e presidente Frans Lodewijk Maduro, a tuma lugar den sala di reunion di Bestuurskantoor na Oranjestad. Aki e ministro y delegacion di IOWUA a papia tocante e situacion actual entre e Union y Lago. Despues di e encuentro cu e delegacion di IOWUA ministro Kroon a keda di tene un encuentro cu representantenan di Lago pa tende e punto di bista di esaki ariba e dificultadnan cu tin, en conexion cu e peticion di IOWUA pa para lay off di empleadonan di Lago durante deliberacionan cu e compania aki, locual e compania no ta di acuerdo pa acepta. Segun un vocero di e Union nan ta sumamente optimistico di e resultado di nan encuentro cu entre otro ministro Kroon. Pa nan e situacion ta mustando di lo bira favorable.

## REUNION GENERAL

Diadomingo venidero IOWUA lo tene un reunion general di miembronan den Commandeursbaal na Savaneta. E reunion aki cu lo ta trata cambio di reglamentonan interno lo tuma lugar parti mainta. Entre otro lo worde trata cambio di e reglamento interno tocante di stipula-

cion di candidatonan pa eleccionnan di e Union, cual reglamento anja pasa a causa masha hopi dificultad, hasta cu e cuestion a worde treci dilanti di corte di husticia. Durante e reunion aki e miembronan di IOWUA lo hanja tambe un informacion extenso di e situacion actual y tambe tocante di afiliacion.

## REFERENDUM AFILIACION

E referendum pa afiliacion internacional door di IOWUA, cual ta worde teni entre e miembronan y cual lo termina dia binti cuater, segun e directiva cu ta desea afiliacion, esaki ta bayendo favorable. Miembronan cu ta desea por pidi informacion tocante di esaki den e reunion di Diadomingo venidero. E afiliacion probablemente lo ta cu Internacional Federation of Petroleum and Chemical Workers. Mas despues Union probablemente lo afilia tambe cu Confederacion Latino Americano de Sindicatos Cristianos, cual tin intencion di forma un Federacion Nacional di Unionnan di trahadornan na Aruba.

## Noticia di polis

Dialuna atardi banda di cinco or a tuma lugar ariba e camina di Kibaima pa Tanki Flip un choke entre e autonan A- 4622, A- 4961 y A- 7002. E danjo material na e autonan ta 275 florin en total.

Un otro choke cu a tuma lugar banda di cinco or Dialuna atardi tabata ariba e cruzada di Koningstraat pa Emmastraat. Aki ta e autonan A-8137 y A-6775 maneha respectivamente pa L.Z. y H.M. a dal ariba otro. Danjo material na e dos autonan ta total 900 florin.

# Vuelo K.L.M. Caracas-E.U. no ta bai via Aruba

Oranjestad, 18 Febr. - For di fuente bon informa nos a tende, cu e plannan anterior di KLM na durante vuelonan di jet di Caracas-Miami y Caracas-New York ateriza na Corsow y Aruba ariba turno, parse awor si a worde poni un banda. Un informacion concreto tocante di esaki por worde mira den e reglamento nobo di servicio di verano di KLM. den cual no por worde manja cu lo tin aterizahenan entre vuelonan menciona aki riba.

Un di e factornan di mas principal cu a pone Aruba den discredito serca KLM, ta e echo cu e isla aki a duna Trans Caribbean Airways pia sigur den era na Antillas, un compania americano basta hoben cu no tin ningun deber di cumpli cu I.A.T.A. y door di esey por haci vuelonan pa un tarifa mucho mas abao cu e otro companianan cu ariba pasaheronan pa New York. Na diferente biaha funcionarioman di KLM a muestra nan disgusto cu e politica di TCA. E disgusto di KLM hasta ta bai asina leuw contra di e compania americano, cu ultimamente KLM a nega di huur e compania americano y autonan aircondition cu tin stacion na aeropuerto, algo cu lo duna KLM entredanan extra.

Di ningun manera nan kier negocia cu TCA. Entretanto TCA no a perde tempo y a busca un Unit Aircondition completamente nobo. "Everything KLM refuses us, we shall overdo", segun e presidente di TCA.

E trato aki di KLM na Aruba no a mehora e relacionnan entre e isla y e compania aki di aviacion, especialmente ya cu na Aruba nan ta puntra nan mes: sin embargo KLM ta haci e vuelo Corsow-Caracas apeser di e competencia grandi di L.A.V. cu tambe tin un tarifa mas abao cu KLM.

En todo caso ta worde spera, cu Gezaghebber Henriquez y deputado Tromp cu na e momento ta haciendo un viaha di servicio pa Estados Unidos Israel y Hulanda lo bal Den Haag tambe pa papia cu e directiva major di KLM tocante di e politica di e compania di aviacion aki den Caribe pues na Aruba no a worde lubida ainda cu KLM a hanja su derechonan di ateriza mas o menos na 1945, especialmente gracias na e yudanza di.... Aruba (Lago).



E cirurgo Ruso dr. Anastas Labchinsky aki huntu cu un enfermera y e cacho "Bratix". Como un luna pasa el a


pega un pia di un otro cacho riba "Bratix" y e operacion a resulta asina bon cu e animal ta camina riba tres pata corra y un pata pretu.

## NOTICIA DI RECHERCHE

ORANJESTAD, 19 Feb. - Ultimamente recherche a logra detene un trio di hoben kendenan tin worde sospecha di a comete binti cinco robo, pa un suma total di cinco mil florin den e ultimo lunanan. E tres hobenan aki ta N.Q. di diesiete anja, E. A. di dieznuebe y G.R. di diezsiete. Segun declaracion di recherche e hobenan aki tabata comete e robonan como ladronan profesional. Ningun caminda nan tabata laga un rastro. Nan a horta den tiendanan, stacion di gasolin, casnan etc. sin laga nada cu por a muestra cu ta nan a comete e robo. E dia fatal pa e trio tabata ariba e anochi di Diahuebes pa Diabierna ora cu dos di e hobenan, respectivamente N.Q. y E.A. a drenta un Laundry na Oranjestad ariba un di nan "expedicionan". E donjo di e Laundry cu a ripara esaki mes ora a avisa polis cu a manda recherche cu tabata den becindario. Un di e hobenan a worde deteni despues. Nan a worde carcela mientras recherche a sigui investiga e caso. Asina nan a bin detene tambe G.R. pa completa e trio.



Ya caba nan ta hasi e preparacionnan necesario pa e venidero "schrikkel-boekenbal" na Amsterdam. E pintor Metten Koornstra aki ta pintando e decoracionnan: poco homber triste na muraya.



un desajuno sabroso cla den un frega di wowo.. claro cu yudanza di REDDY!

4

## VOLLEY CONTRA STO. DOMINGO

Ayera nos a ricibi informacion di e president di Aruba Volleyball Association Roy van Putten cu un dia promer, e asociacion ey a ricibi un carta for di e Asociacion Deportiva Manuel de Jesus Liriano di Sto. Domingo en coneccion cu e weganan planea na nos isla.

E motibo cu den e carta ta worde duna pa cual nan no por a bin een weekend pasa, manera originalmente tabata e plan, ta cu a sosode un accidente di auto na e Avenida de las Americas na Sto. Domingo den cual dos miembro di famia di diferente di e hungadornan a perde nan vida.

Den e mes carta e asociacion dominicano ta expresa nan deseo di bin hunga na Aruba riba e fechaan di 21 y 22 di februari, esta riba diavierne y diasabra venidero. Directiva di Aruba Volleyball Association abai di acuerdo cu e deseo aki a comunica nan tal decision.

E damanan di Sto. Domingo lo bin luciando un set di uniforma completamente nobo encarga for di Mexico especialmente pa e delegacion door di e Gobierno di Sto. Domingo.

Tambe e gobierno dominicano ya a duna permiso pa e bishita di un delegacion di volleyball Arubiano na Sto. Domingo durante luna di maart 1964. Directiva di Aruba Volleyball Association ta spera cu pueblo di Aruba lo coopera door di acudi te n gra n numero na e dos encuentronan Internaciona di volleyball femenino.

E promer encuentro lo ta diaviera anochi ariba e cancha di Estrella na Sta. Cruz, mientras cu diasabra anochi e segundo wega lo ta riba cancha di Lago Sport Park na San Nicolas. Apesar pues cu directiva di NAOBO, e bond di volleyball di orsow cu tin e afiliacion internacional pa Antiyas Hulandes, nenga permiso na Aruba Volleyball Association y door di sey a haci un intento pa boycotea e intercambio deportivo di. Durante e weekend aki pues for worde goza di dos interesante partido di volleyball femenino.

## A.V.V.S. A REPARTI PUESTONAN

Di Nos Redactor Deportivo) despues di su reunion general di diaviera dia 14 di februari, en cual un directiva nobo akeda aigi, diadomingo mainta e directiva nobo a reuni pa di promer baha. Den e reunion aki e diferente puestonan di directiva, excepton di esun di president akeda reparti.

Como president tabata eligi den reunion general Frans Figaroa, vice-president a bira Jonchi Finckel, secretario Freddy Baptist, orero Urlo van Breet y comisionan Antonio Chirino, Aquiles Blo y Hasintho Franken.

Di e diferente plannan di e directiva nobo ta forma un curso referian nobo. Pa e curso aki, e directiva di A.V.V.S. ta sera cu cada club lo manda un lo menos nomber di un persona cu ta interesa den sigi curso y di e forma ey duna man di yudanza na e deporte futbol. Un yudanza cu indubablemente e mester, ya cu ta posibel pa encuntaronan di fut- bol worde teni sin cu tin referi- na capas pa dirigi nan.

Personanan cu ta interesa den di e curso por acudi cerca klier miembro di directiva A.V.V.S. Tambe e directiva A.V.V.S. lo percura pa pronto aprobacion di e statuten di e asociacion aki worde logra serca gobierno. Door di un reunion general den pasado e statuten worde aproba caba, pero ainda no a hanja aprobacion di g- erno.



## Armisticio di Maleisia den peliger

KOEALA LOEMPOER, 19 Febr. Maleisia ta duda di e balor di continuacion di e negociacionnan di paz cu Indonesia, pasobra president Soekarno a declara di no kier retira su trupanen for di e parti di Borneo cu ta pertenece na Maleisia, segun un declaracion di gobierno cu a worde emiti na Koela Loempoer.

Maleisia ta opina cu un armisticio riba termino largu por tin exito solamente si Indonesia retira su guerilleronan e Indonesia no kier hasi esey prome cu tin un arreglo politico. E vice premier di Maleisia, Abdoel Razak, a agrega e condicion aki di armisticio na e comunicado comun cu a worde emiti siman pasa despues di e reunion di ministernan na Bangkok.

E delegacion ta bisa mas aleu, cu Indonesia aparentemente no tin intencion di atene su mes na e armisticio. E propocision pa provisiona e guerilleronan riba territorio di Maleisia, no por worde tuma en consideracion. Gobierno di Maleisia ta opina cu e paso recien aki di Djakarta ta intencion pa crea e idea cu na Maleisia tin territorionan ocupa, mientras cu por cierto no tin mas cu dos cien terrorista consistiendo di soldanan Indones y voluntarionan. Ehecucion di e paso aki no por worde adopta otro cu como un acto nobo di agresion, cual lo no worde tolera, asina e declaracion ta bisa.

## Reforma di terra na Brasil

RIO DE JANEIRO, 18 febr. Probablemente trupanen Brasileño lo worde utiliza pa pone forsa tras di e decreto presidencial, ta intencion pa tuma terra over for di particularnan, cual ta situa p- ga cu carreteranan, rutanen ferroviaria y reservoir nan pa reparti e terreonan entre campesinonan cu ta sin terreno.

E hefe di e oficina di gobierno pa reforma di terra, a declara ayera den un combersacion cu periodistanan:

Ta mas cu claro, cu si ta necesario berdaderamente lo ta tarea di forsan arma pa garantiza ehecucion di e decreto. Pero el a muestra tambe cue recien arreglan entre e hefe di e oficina y hefenan di forsan arma solamente ta relaciona riba asunto tecnico, manera por ehemplo vigilancia. Ta worde calcula, cu president Goulart lo firma e decreto dia 18 di maart. E decreto ta afec-

ta tur terrenonan cu ta situa dies kilometer den interior for di camindanan federal y cual nan no ta cultiva.

Entre tantu noticianan ta bisa cu den campo ta reina intranquilidad ya cu e campesinonan ta menasa di penetra den propiedadnan cu violencia. Den algun estado doñonan di terreno tin provisionan di arma, pa defende nan propiedadnan.

## Piscadornan Cubano a regresa Havana

HAVANA, 19 febr. - Shete hoben piscado Cubano, cu ta forma parti di e tripulacion di e cuater bapornan Cubano di piscado, qu a worde detene pa marina Mericana pasobra nan tabata nabega den awanan Mericano, a regresa Havana ayera.

Nan a hanja nan libertad en bista di nan edad hoben. Nan 29 coleganan mayor di edad ainda ta presu.

E shete piscadornan a worde saluda di Havana pa e minister Cubano di exterior, Raul Roa.

## Lectura di dr. Frenken

Diasabra dia diezcuater di Maart dokter H. Frenken lo tene un lectura pa miembronan di Indische Club Aruba na cas di su colega J. Hilgers e objeto di e lectura lo ta "Biahando door di Sur America". E lectura lo ta acompaña di dias di color.

## SITUACION POLITICA NA BOLIVIA

LA PAZ, 19 Febr. - Un grupo di partidonan di oposicion na Bolivia, cu ta worde yama "Alianza Popular Boliviano", a insisti riba un boycott di e eleccionnan presidencial na juni a wor si president Paz Estenssoro haci esfuerso pa e worde reeligi.

Ya e movimiento nacional revolucionario a eligi Dr. Estenssoro como candidato pa presidencia.

Algun otro partido a participa cu nan lo no tuma parti na e eleccionnan. E ala izquierda di e movimiento nacional revolucionario lo stipula su punto di bista otro luna.

E miembronan di e ala izquierdista di e partido Movimiento Nacional Revolucionario cu ta forma gobierno actualmente, kendenan ta fuerte contra di e politica di gobierno, ta worde dirigi pa vice president Juan Lechin, e lider di e mineronan.

## FOKKER TA BAI CONSTRUI F-28

DEN HAAG, 19 Febr. - Deliberacionan bou di direccion di e secretario di Estado di trafico y maritimo, senor Keyzer, en relacion cu finalmente di e desarrollo y produccion di e avion cu reaccion a chorro pa pasahero cu Fokker lo construi pa distancianan corticu y mediano, a trece un acuerdo entre gobierno Ulandes y tur interesadonan den e proyecto. Asina e ministerio a participa.

Mescos cu tabata e caso na desarrollo di e avion "Fokker Friendship", gobierno Ulandes a priminti su cooperacion en principio na desarrollo di e avion nobo "F-28" door di pone placanen disponible pa e instituto Ulandes pa desarrollo di avion.

## TERRORISMO NA VENEZUELA

CARACAS, 18 febr. - Extremistanan castrista ayera a abri un kraanchi di petroleo na Venezuela y nan a pega e petroleo na candela ora el a cuminsa corre. Esaki a causa un danjo di 16.000 dollar. Trupanen di guardia nacional Venezolano a arresta despues shete extremista.

*E guerra di webu na Alemania a termina locual ta nifica cu e amanan di cas Aleman awor por cumpra webu fresco pa un prijs sumamente barata. E webunan - Hulandes ta forma un atraccion grato den e tiendanan di Alemania.*

*Na Hollywood nan a muestra e uniforme cu e participantenan na e weganan Glympico di verano cu lo tuma lugar na Tokio lo bisti. Nos ta mira aki d.r.p.d. e conocido atleta Bob Mathias y e modelonan Judy Lang y Charles Mac Arthur.*



**NIEUW**  
IDEE VOOR ROKERS

# COOL clean consulate

*Menthol Fresh*



De zuiver witte filter van Consulate geeft U het aroma van de fijnste tabakken.

En Uw genot wordt vergroot door een vleugje verfrissende menthol.

Juist daarom is Consulate steeds fris

...koel als een bergstroom.

'S WERELDS EERSTE EN ENGELANDS MEEST VERKOCHTE MENTHOL SIGARET

## Obra di Rubens a worde horta

BRUSSEL, 18 Feb. - Awe marduga un obra di pintor Rubens "hegerkopp" a worde horta for di museo pa arte antiguo na Brus-

sel. E desaparicion di e obra a worde descubri awe mainta door di un guardia di e museo. Probablemente e ladronnan a penetra den

e museo via di e dak di e edificio y nan a sali di mesun caminda.

Segun polis di Brussel a participa e obra a worde saca for di su lesi.

## Accion di protesta di mineronan

BRUSSEL, 18 febr. 23 minero ta hibando un accion dos dia ca-

ba na un profundidad di 1100 meter, contra un decision di un altu autoridad di e comunidad europeo pa staa y carbon.

E accion ta dirigi contra e decision di e comunidad pa sera e mina "Bois du Cazier" na Marcinelle unda na aña 1962 262 minero, entre cual 136 italiano, a muri den e desastre mas grandi cu nunca Belgica a conoce den su minanan.

Te cu awe noch e ambiente

entre e 23 mineronan bou di terra tabata perfecto. Nan ta pasa nan tempu cu weganan di carta di drumi. Nan a sigura cu

## Lucha ta sigui entre

## Somalia y Etiopia

ADDIS ADEBA, - 18 Febr. Aunque cu tin un armisticio tabatin brin-gamento fuerte na dos lugar na e frontera entre Etiopia y Somalia, asina e ministerio di defensa

nan lo sigui cu nan accion, te ora cu e altu autoridadnan di e comunidad di carbon y staa halan nan decision a den.

na Etiopia a participa. E lucha na Dolo y Vett a cuminsa djies despues cu merdia, ora cu e armisticio a drenta na vigor. E etio-pies nan ta pretende cu e somalianan a viola e armisticio.



## ARESTACION NA DALLAS

DALLAS, 19 Febr. - Polis di Dallas a detene un homber, cu tabata den un edificio, pega cu e edificio di Corte, unda Jack Ruby, kende a asesina e probable asesino di president Kennedy, ta keda. E homber tabata arma.

Polisnan a arreste ora cu e sesion a worde suspende pa lunch. Ta trata di David Glass di 39 anja for di Beatty estado Oregon. E no por a duna un declaracion pa su permanencia na Dallas y pakiko e tabata den e edificio. Segun polis Glass tabata papia yen di cos bruha tocante asesino di president Kennedy y tabata

## PROCESO EUTHANASIA A CUMINSA

LIMBURG (Alemania Occidental) 19 Febr. - Bou di un enorme interes publico a cuminsa ayera dilanti di tribuna na Limburg, den e estado HESSEN NA Alemania Occidental, e procesotocante, Euthanasia, asesinato a base di clemencia, cual a ocurri cu 200.000 persona cu tabata mentalmente enfermo durante e regimen di Nazi.

Cuater acusado mester a presenta pa e asunto aki, pero solamente un di nan, Hans Hefelmann di 63 anja, kende den guerra tabata funcionario na e oficina di Euthanasia, tabata den e banki di acusados.

Cincu dia promer cu e proceso e principal acusado, profesor Werner Heyde, a comete suicidio. Alfred Tillmann e otro persona acusa a cai for un edificio di ocho piso riba dia di shinshi y a muri, mientras cu Bernhard Bohn e di cuater, a hui na augustus di anja pasa pa Sur Amerika.

Hefelmann ta worde acusa di asesinato comete en conhunto, riba 70.000 hende grandi y por lo menos tres mil mucha. Despues di morto di Heyde y Tillmann el a bisa di tin miedu di e proceso.

murmurando algu tocante e asesino di Oswald. "Mi ta kere cu e ta cla pa un investigacion psiquiatrico asina sheriff di Dallas a bisa.

## PREMIER DI JAMAICA A HANJA AMENAZA

KINGSTON, 18 febr.- E premier di Jamaica, Sir Alexander bustamente, kende siman pasa a ricibi un carta anonimo, den cual ta scirbi cu nan lo tire, a bolbe hanja un carta mas den cual tabatin polvo empaqueta cuidadosamente. Dene cartatapara: "Lo bo muri diasabra 22 di februaru mey anochi. Lo bo wor-

*Limassol na Cyprus siman pasa tabata escena di bringamentunan masha pisa cu a existi hopi bida. Aki un bista di e lucha cu ultimamente a termina cu un armisticio.*

de asesina cu mi scopet automatico tipo "lugar".

E guardia personal di e premier a worde reforsa for di despues di e prome carta, di moda cu e premier por a bisa: "e asesino aki mester percura si, pa e hacie bon. Si e faya lo bringa cu ne - y ami no ta faya."


## GRATITUD

Pa medio di esaki nos ta manda gradici tur familia, conocirnan, bisinja y amigonan cu a muestra nan atencion na un of otro manera na ora di morto y entiero di nos inolvidable esposo, tata, jui, ruman y suegro

## JACINTO WERLEMAN

Cu a bai sosega na paz.

Na number di su: esposa, Juan Lambert, Nilda, Harold, tata, mama, rumannan, suegro, suegra, fam. Werleman, Geerman y demas familia.



*Na e station di Bethal Green na Londen un trein a sali for di rail. Aki nos ta mira e danjo cu e desgracia aki a causa.*

*Nan a horta pa un valor hopi grandi na stampillanan serca un empresa na Londen. Aki e directorta mustra un copia di e stampillanan for di Nueva Zeelandia cu nan a horta.*





# Horoscopo personal

ARIES 21 maart - 20 April

Esaki lo no ta un dia mucho bon pa bo ricibi otronan den bo cas. Parse cu nan lo strobabo den bo asuntunan personal. Por resulta problemanan y cuestionnan cu lo exhi masha hopi di bo atencion.

TAURUS 21 April - 21 Mei

Awe lo bo tin masha poco influencia ariba otro, laga cos bai manera e ta bayendo. No purba di forza, especialmente den casonan di amor.

GEMINI 22i Mei - 21 juni

Probablemente lo bo ta masha indesisivo, tambe den bo relacionan cu otro. Mas laat den anochi bo por haci mihor investigacion.

CANCER, 22 Juni - 23 Juli

Tene bo asuntunan di placa awe bon na bista. Descuidao por causa cu lo bo tin perdida grandi.

LEO 24 Juli - 23 augustus

Awe no ta muestra cu lo ta favorable pa bo trece cambianan. E siguiente dianan ta mucho mihor. No forza bo curpa y no descuti mucho.

VIRGO 24 augustus - 23 sept.

Awe bo tin mester di sosiego, asina purba aregla e anochi cu bo no tin exhencianan pa molestiabo. Termina loke bo tin pendiente.

LIBRA 24 Sept. - 23 okt.

E accento ta awe pabo ariba bida social y amigonan. Awe lo bo

hanja recompensanan pa bo trabao pa otro. E anochi por tin deliberacionan y trabao extra.

PA: Viool, Mandolin, cancionero y tarjeta postal di artistanan mejicano acudi na:  
**„NICOLAAS STORE„**  
Tel. 5385 - San Nicolas.

SCORPIO 24 okt. - 22 nov.

Libra pleitonan cu otro y drecha cuenta cu personanan cu kende bo ta rabia. Cumpli cu bo debernan y no haci nada aventuroso y especialmente no haci esaki ariba tereno romantico.

SAGITTARIUS 23 nov. - 2i dec.

Tene bon cuidao awe cu locual bo ta haci. Sea alerta na loke otronan lo haci den bo becindario. Libra trobel tanto posibel.

CAPRICORNIUS 22 dec. - 20 jan.

Tene bon cuidao pa bo no pura asuntunan comun ariba tereno di finanzia unicamente awe tardi lo bo tin exito ariba e tereno aki.

AQUARIUS 21 jan. - 19 febr.

Tene pasenshi cu hendenan cu ta sinti nan mes decepciona y malcontento anochi e atmosfera lo mehora pa bo y pa nan.

PISCES 20 febr. - 20 maart.

Bo trabao y bo salud mester di preferencia awe. Percura pa bo no hanjabo den dificultad pa motivo di orgullo, egoismo of door di colleganan di trabao. Pone atencion na panja cu bo ta bisti awe nochi.

## RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di FRIESCHE VLAG

lechi evaporado y lechi en polvo

MAXWELL HOUSE KOFFIE.



## CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.



## BUCHI ROBEZ

pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.



## PEPITA

pa cortesia di

OFICINA MARITIMA DE ARUBA

TRANSPORTACION DI MERCANCIA Y MUDANZA TEL: 2664/1622.



## DICK TRACEY

